

二
知
軒
詩
鈔

二知軒詩鈔卷十四

定遠方濬頤子箴

古今體詩一百九十六首

乙丑九月
至十二月

林薌谿將返侯官賦此送別卽步去年見贈詩韻
煙霞可侶雲可朋還山誓焚游趙簋雷硯鏗
李杜匹蟲喧下界嗤薛能清癯有若松下霍
泛海偏作長鯨騰豈惟豪氣溢楮墨腕底神
力堪射鷹自游嶺南執牛耳騷壇角逐愁不
勝箏琶凡調縱入拍高古漫儕雪夜冰
古槩名君采子詩
人海天琴思錄嘯歌近攬藥洲勝
近佐融齋
同年學幕著作久
媿蘭臺稱鼓鐘在前眾響闕扣盆未免羞仍仍西園竟

日愴離緒

曹馬二君皆將北旋

疎林涼月懸鬚鬢聞君歸去益惆

悵考鏡得失靡所憑蟠桃鳴裏卽仙境逍遙那羨天池

鵬

筠仙中丞以初七夜枕上作索和步韻奉教

公詩自註

云病四日不眠不食

大藥何曾火候乖

用香山詩意

出山人爲救時來威揚海角

萑苻靖雄到詩腸鼓吹催共服審機如陸喜須知善御

得韓哀瘴鄉草木含生意都仗春風次第裁

題薌谿衣隱山房詩集疊前韻

老氣無敵松石朋終朝攤卷雨不簷詞章經學判門戶

誰其兼者先生能波瀾壯潤小江海虬螭鬱蟠蛟怒騰
長鳴恥爲伏櫪驥奮迅愛學摩空鷹千軍橫掃敵八面
龍文百斛洵足勝鸞鳳鞭笞眾仙伍搥碎黃鶴驚韋冰
亦雄亦俊亦婣雅定論克副東洲稱君師子貞前輩評語最當邇來
詩道日叢雜尊唐薄宋徒因仍翳予年少不努力勿勿
已至霜毛髻上乘於此得真諦坡公信矣維摩憑天隅
蚊睫敢相擬我猶鷦螟君則鵬

畚薶幣三疊前韻

擇交須擇同道朋匪重冠蓋輕簞簦天公兩雲尙翻覆
遺世獨立吾何能笑他阮籍青白眼曷不縱酒甘膏臙

我非熱客住炎嶠冬夜猶苦蚊如鷹雙符謬縮輟吟詠
軍儲擘畫勞弗勝坦途隨在易顛躓足跡所履猶春冰
羨君超然出塵壒等身著作海內稱炎涼閱遍俗思返
青鞵布韞初服仍簿書堆裏發長嘯欲歸不得頭已髻
他年儻渡螺女水理窟依舊尋張憑推敲未了倏成夢
吟魂彷彿來騎鵬

題薌谿海天栞思圖四疊前韻

弟子何幸爲師朋相期汗漫遺躋筌不絃不指化工趣
詩人禪意宗盧能曩時焦尾獲真賞松聲萬壑泉奔騰
廣陵再逢嵇叔夜水仙合推張季鷹塵世知音渺難遇

白頭相對情不勝宛然人在鏡中坐乾坤滉漾成圓冰
鏡名桐君結想入胸臆未可縹緲虛無稱此師此弟足千
古珍逾緣綺傳昆仍昨者東洲又浮海聞貞翁今春至滬上配顏
潑墨忘鬢髻於今抱琴返嶽麓欲聆雅奏嗟無憑安得
相將泛湘水搏風上逐南溟鵬

答薌谿問西園五疊前韻

南園舫齋竹爲朋西北建亭圓如簷平臺眺月東向峙
有廢必舉臣所能方池新鑿假山下兒童走看皆歡騰
荷花拓開香世界紅包密綻藏魚鷹朱朱白白繞廊豔
障以鹿眼景絕勝空明境地最宜夏一院暑銷千歲冰

西陽雜俎頗梨
千歲冰所化

茲園雖小足幽趣以詩作記垂芳稱短

歌戲將八詠縮新翻花樣毋重仍竭來不覺有冬意牆
頭薜荔濃垂簷先生乘興曷過訪拈韻偕把雕闌憑佳
章和靖可立致畫筆試參王振鵬

前詩有屬稿而薌谿和韻題碧玲瓏館詩已至因
綴八疊前韻報之

詩豪挑戰催嬾朋不才甘下虞卿簦變化居然入三昧
神通信矣超七能爭奇鬪險詡便腹筆鋒時有虎氣騰
注坡驀澗若駿馬攬身側翹如饑鷹空卷屢張力云竭
降旗欲豎愁弗勝得聆高論悟宗旨

君論詩主風
格兼尚性情性情

感觸猶烟冰大而名敎小名物六義豈第文辭稱慨然
奮興主壇坫最忌卑格相牽仍不爲韻縛難者易直等
持梳理亂髻晴雲在天自舒卷顧盼左右何依憑精思
我合避三舍老而不倦惟崔鵬

薊谿和子去年見贈詩疊韻奉酬

文章宗派正南閩漢魏三唐有替人此日諸侯老賓客
爭推詩聖是經神書傳絕島蠻夷長英夷會以重價購射鷹樓詩話
獻彤廷草莽臣謂進呈三禮通釋十書健比松喬天與福白頭

鉛槧不離身

槃敦追隨已一年藥洲廣唱信前緣暫停海上乘槎約

多寫山中伐木篇，閱歷世情消俗態。破除理障得真詮，
詩兵竟日來挑戰。莫讓先生穩睡禪。

冬日感懷和薊谿韻

海氣噓成雨，江湖捲入風。涼生炎嶠內，天在混茫中。事
業艱戎馬，功名鄙蠹蟲。浮雲能變化，飄過越臺東。
草檄飛鵝嶺，移師來雁亭。幾時消劫運，誰與問蒼冥。摧
拉同枯朽，驍騰匹廣青。稽誅此殘寇，蟻穴喚難醒。
睥睨乾坤內，終多抑塞才。仰看蘿附柏，應惜劍生苔。歲
月滔滔去，衣冠袞袞來。投簪何日遂，蓮社訪宗雷。
寒暄關氣候，造物任推行。偏聽心逾闇，旁觀眼最明。睹

詩分戰壘澆酒破愁城有菊還須賞酣歌吐性情

招薌谿小飲疊前韻

當代林君復孤高抱古風道心塵境外詩味雨聲中韓
子吟雙鳥莊生笑二蟲偷閑拋案牘招客藥洲東

逍遙出西郭無過半帆亭

友人昨招飲於此

浮石聳危隋暗潮

通筠冥

池水通海

菊肥僧自瘦

嘲成

梅白柳仍青怕聽統如

鼓歸途原獨醒

傲俗耽歌詠無人敵此才夜窗頻起草石洞待剗苔

予欲

刊重修西園詩屬君和之

顧我咄休莫多君歸去來眼中涇渭判身

世豈枚雷

雅有朋簪樂胡爲破浪行江山雄自在旗鼓

二山列分名

明氣可吞瀛海詩還續渭城願師徐邈聖莫愴別離情

再題海天琴思圖次彌谿韻

畫船簫鼓珠江頭呼朋共作清夜遊酒闌人散月西墮
有絃爭及無絃幽山人抱琴至炎州古調獨從塵外摻
天教曩昔知音者來與林逋同一舟畫工識得山人意
滄溟放眼小天地空葉洛霞在何許胸有璫璣吐靈氣
彷彿聞玲瓏舉袖摩穹蒼一聲寒玉劃然破魚龍出聽
齊軒昂斯時凌虛直登兜率天驂鸞跨崔年復年而我
徘徊越臺上方丈瀛洲勞跂望山人山人爾今又逐雲

將東去訪九仙

山名

息萍蓬凡桐久不入吾手霜林長嘯

驚冥鴻嗚呼梅花百衲無人覩千載希逢牙曠侶收得
厓門萬斛濤獨向鄰霄臺畔撫

薌幣六疊前韻議和予亦戲仿其體倒押前韻以
爲後勁不復再挑戰矣

如翼六蜺驂八鵬風馳雨驟神威憑腰弓仗劍萬人敵
九花之虬垂髻鬢十盪十決不肯住枕戈待旦奄復仍
指揮鯢貅馴虎豹犂庭埽穴標英稱潛行已破允吾谷
詭詞竟合滹沱冰據鞍一呼氣百倍旌旄所向靡不勝
當其運籌在帷幄有如夢澤栖神鷹析圭儋爵眼前事

干霄直上紛騫騰九連山中近苦寇居民猶說新建能
君今拔幟主壇坫雄豪可匹青蓮簷堅吾壁壘畫地守
歃血且依公仲朋

薌谿集曝書亭句和予西園八首韻渾融一片絕
無斧斲痕爰作小詩以誌欽佩卽次題元遺山
詩後四首韻

鷺湖風雅足追攀錦織龍梭鐵網珊入粵詩名先後振
菲材慙綴五雲班

茫茫宦海久浮沈泉石煙霞總繫心輸與山人添夜課
尋章摘句不開衾

妙選桐材百衲身

余秋室學士集
唐名曰百衲琴

雕鏤香屑

唐堂集

豔唐

人後生合使前賢畏依樣葫蘆畫更新

莫道貪多費剪除天衣無縫巧誰如試看貞觀金錢帖
那異張芝一筆書

和薌谿游香海四首韻再以送別

地控狼隄隘來賓盡歎關犬牙紛錯壤蝸角罷爭蠻虛
市通諸島樓臺擁半山華夷無畛域海若亦開顏

水火靈機運晨昏任自來

開薌
谿言

泉嗤山篲接爐笑趣燈

催趣燈出

如砥三環遠

街分上中下三
環計三十餘里

扶輪片刻迴

夷人

御四輪車
聽客游行

白頭豪興在欲去更遲徊

到此乾坤小詩人眼界空景都成一碧句可埒三紅

緒

此聯最
警動

門戶重洋限衣冠上國雄海波平似鏡虎旅樂

囊弓

小別重相見離情繫藥洲力追天寶盛心鄙建安柔聽
鼓甘塵俗乘槎羨壯游踟躕無雁至神往射鷹樓

感興疊前韻

秦隴氛猶熾旌旗滿玉關八番常縱寇六詔未平蠻地
少金開穴人誰米聚山邊憂正多事債帥起愁顏

充豫連荆楚黃巾去復來倏如奔電過除是絕塵催天
上一星殞軍中萬馬迴南人雖健步上坂却迂徊

建業擒渠後機槍漫埽空岡陬雲氣墨章貢血波紅開

道防難徧分兵勢不雄蔓延幾一載我欲借黎弓

開瓊南黎

人以毒矢射人無一生者

九連纔夜遁又聚百花洲

在嘉應

豈有師宜老從無道可

柔裹糧勞轉運荷甲聽優游慨想饒歌奏訓勲廣達樓

贈張蘭軒吉士

清華

卽和其題嶺南唱和詩原韻

吉士爲南山年丈文

孫賓馮前輩詩嗣

聽松廬內春雨晴時聞擲地金石聲珊瑚木難恣撿采

毫髮不爽離婁睛

謂詩人微畧一書

我來未躋越秀巔敬門徑

造清濠邊頑鐵何幸入爐冶古芬載錫雙瓊篇

子昔於咸豐辛

亥春遊嶺南以詩卷就正於令祖南山年丈荷蒙評
騭教以作詩宗旨並賜題五律二章誘掖備至迨七月
返棹相江暴風覆舟詩卷沈失過半至今思之惘然

殊自若重泛珠江已十秋老成去矣傷離索西園短詠

還長哦盍簪卻喜吟朋多玉堂仙客氣橫逸乘風破浪

揚高歌

君航海而歸

置身已到瀛洲地祖硯能傳真盛事況

復家藏鐵柱冠果然門煥泥金字英髦接武稱騷人風

雅上希梁屈陳蓬山回首劇增媿罷持彤管空埋輪君

今年少我頽老三世論交暢情抱花球園林怕再經篋

中賒得南游草揮鞭及早歸承明相期箸作垂令名鋒

鐔礪劂倍犀利圭璋攻錯瀾晶瑩瓣香終下南豐祝

許君

重印聽松廬
諸集見贈

海內詞壇共推服如君洵足繼家公羊城

今有崔岐叔

梅影六首和薌簪韻

空濛無色更無香已覺亭亭壓眾芳
月地雲階涵畫意竹邊松下豔詩腸
酒闌誤惹巡檐笑風定徐生照水光
不比羅浮愁夢短四圍嵐霧起蒼茫

橫斜疎瘦各傳神天子幽姿迥出塵
玉照堂中栖隱士紅羅亭畔逐仙人
迷漫鄧尉花如海寂寞孤山雪是鄰
贏得扶筇蹤跡徧黃昏獨自岸烏巾

冰魂無恙美人知羌管樓頭莫錯吹
綃袂妝成燒燭後

銅瓶掬取上燈時
澹描風格蟾增戀
亂疊霜毛鶴被欺
印上蒼苔都有韻
鐵心相對也低眉

覓句林逋向水濱
別開生面傲黃陳
本來姑射原疑幻
偏遣嫦娥爲寫真
粉絹雙鉤看活脫
紙窗一樣闌清新
晴曦暮靄同消受
茅屋中藏九里春

湘妃蛟脊特爭奇
化作雙身只一枝
問訊小橋流水外
思量細雨薄寒時
蒼崖客動探幽興
野寺僧吟本色詩
淨洗鉛華露真相
東皇玉蝶故飛遲

萼綠輕盈絳雪妍
望中飄忽有神仙
獨收清氣乾坤內
預占光陰桃李前
江岸似屏剛得月
湖波如鏡不籠煙

高人與汝忘形契珍重相逢嶺外天

冬日城上懷古三疊前韻

公師隅始築南武此雄關本以通三晉因之長百蠻面

環珠海水背枕白雲山遺穗豐稂兆仙人亦解顏

越秀渾栖鳳分招雁翅來

嘉定間經畧使陳岷築雁翅城

天荒炎嶠破

風勁怒潮催

古稱勁越

割據終難久乘除往復迴當年偏霸

地望古益擅徇

臺畔荆榛滿岡頭歌舞空相期春草碧飽看木棉紅志

果成城眾兵皆不戰雄經營思亮祖拓出路如弓

一角方壺小堪嘲水上洲名藩咸北附桀賊已南柔羊

馬隨波泛

宋時所築羊馬牆今不可考

鯨鯢入市遊會當浮大白長

嘯五層樓

海東紅

俗名一品紅出日本國九月間枝頭卽放紅葉至冬則其下碧葉皆落獨存顛頂數

片如丹砂染成廣州人家皆有之

拔奇烏柏丹楓外簇簇生新葉作花不倩濃霜來渲染

碧空飛下曉天霞

栽徧仙城種出倭於今更比雁來多石家金谷誇豪富

只有珊瑚七尺柯

四時和氣暖如噓無恠仙人瑤島居木客也將丹訣受

儼然絳雪出爐初

錯落勻排鶴頂妍
託根地近日輪邊
殘冬絢爛炎荒景
得汝真堪相木棉

南海百詠

乙丑冬日仿吾宗孚若先生作南海百詠五言
詩取其考證以成韻語體雖不襲義實相沿非
敢謂於詩境之外另開一境也亦聊見前賢門
戶後人尙有尋源而至者爾

番山

往日朝元洞相傳積石成山經劉龔鑿志獨鄭熊明剖
別圖經誤傍徨弔古情天教詩境開不負嶺南行

禺山

禺南番在北亭榜後人誣臺觀渺何處滄桑迹已殊諸
生今講學霸業久荒蕪不及滄江上神仙有奧區

謂清遠峽

二禺山

任囂城

東郭尋遺趾詳哉郝亶之占星識天象尉郡自秦時喪
亂愁無主傳賢竟不私龍川得知已割據此開基

三城

慶厯熙寧世興修魏呂程古瓢鬼工識堅壁曩霄驚鼎
峙炎荒地雄於百萬兵我來千載後猶覺氣崢嶸

清海軍樓

樓從唐代建入宋改雙門永作天南鎮巍然拱北尊銅

壺偏未失劫火不堪論初度凭闌眺紅棉射曉暎

樓於今春

工竣于始登之

五仙觀

紛紛蓬島客游戲到人間獨有騎羊者堪稱上界仙金丹難濟眾大寶是豐年六出遺嘉種馨香合告虔

廣平堂

廣厦猶虛願爭如有脚春戟輟剛涖止棟宇忽更新都督留遺愛燕公記勒珉轉移蠻蜚俗天寶賴斯人

石屏堂

九成詩碣在

韶州九成臺有蔣穎叔武溪行一首刊於石上

昔日屢摩挲閣上

紫雲杳峽邊明月多竟虛陽羨約

穎叔與東坡同登第卽有卜鄰陽羨之約

其後還向武溪歌石化堂空矣光陰一刹那

十賢祠

五管民風變遙遙滌晉唐後來偕仰止城上有祠堂二
子滕王益八賢吳宋倡武功文事竝連帥薦馨香

鐵柱

卓立乾和殿移來泊事廳降王空鑄錯頑鐵太無靈塔
讓訶林峙波埋濠水腥中璫皆柱石慙媿小朝廷

藥洲

神仙丹鼎聚霸主欲長生導海心何壯浮家夢不成

編長

漢主取船十餘艘載金寶妃嬪欲入海乘龍盜其船而去倉黃起烽火浩渺失蓬瀛

一自劉郎去池波無恙清

九曜石

聳秀五羊外星精來具區遠移炎嶠地環列子城湖昔

假富民力今依講學徒

藥洲在今學使官廨之東環碧園翁覃溪先生督學時石尙有

八其一在布政司署後院以詩索取未歸

浚池傳韻事仙掌不模糊

翁二錦先生浚

九曜池截老榕根始得仙掌石上米元章詩

越樓

安得烽煙靖重修共樂樓平分珠海月如入廣寒遊十
萬人家裏仙都最上頭太平無一事簫管醉春秋

南濠

不見南濠水空餘濠畔街當年歌舞地直是小秦淮橋
尙迴瀾勝舟難入市排繁花開穀埠遊子滯天涯

法性寺

訶林有佛根龍象教何尊性悟真空境法開不二門乾
亨仍舊刹虞趙已荒園六祖皈依地千年碧照存

寺中有碧照

照堂

風旛堂

妙參無動動卽是上乘禪樵子新州至黃梅正派傳心
燈何所障髮塔永能堅獨振東山教宣揚百七年

筆授軒

異哉房相國筆授乃楞嚴忘卻平章事時將貝葉拈灘
哥銘有媿穎叔額同瞻正諫虛稱耳鋒芒轉不銘

菩提樹

是花還是葉梁宋不同時旣曰支摩植翻云智藥移南
交蒙庇蔭西竺顯神奇本自無生滅鷗輪一任吹

任囂墓

屠睢抑何虐難得使君來不學嬴秦暴能知趙令才民

夷賴安韓沒世有餘哀楚冢分明異翁山莫浪猜

淨慧寺千佛塔

二百七十丈浮圖高入雲魯班偕力士雷震杳無聞門

賸坡仙蹟碑摹證道文

證道歌碑僅存其一
字體肥重非坡公書

六榕愁不

見花雨自繽紛

眾妙堂

妙一奚云眾須知元又元拓開方丈地包括五千言夢

境山中熟詞瀾海外翻髯蘇才絕大心性悟同源

劉氏銅像

已署蕭閒號驅民尙鑄銅坐移南越祚災與北亭同

明季

北亭雷奮成穴內有金人十二冕而坐若王與后旁
有學士十八人皆以白銀爲之按其碑辭蓋龔墓也殿
上銀衣黑城頭劫火紅憐他身化鏡轉足鑒愚蒙
學魏校鑄爲鏡以歸
像毀於提

劉氏雙闕

愚孝真奇孝羊城萬口傳肉甯慘母病心自荷天憐震
耀寰區內嵯峨古道邊行人齊頻首羅拜兩嬋娟

番塔

非聖名懷聖凌空一柱標禱風躋絕頂呼佛上層霄螺
磴旋成穴雞竿舞應潮西番方有事太息玉關遙

海山樓

海通瓊澳遠山擁白雲高負郭層樓築元戎看水操蛻
旌迎浪閃犀甲踏波塵指顧妖氛息蛟龍已遁迹

越井岡

黃菊已無種紅棉尙有花青春二三月燦爛若雲霞臺
畔歌聲杳岡邊輦路斜經營思李鄭弔古一咨嗟

越臺井

如何趙陀井卽是達摩泉附會文人筆長吟定慧篇玉
龍開水禁瓶鉢解枯禪迸地黃金似南征亦快然

西竺山廣果寺

長官說因果士女得春遊一水縹而曲兩山清且幽

陀能縮地彼岸願回頭試聽松風響三休合便休

東七寺

侯佛有驕王尊崇震旦方園都種祇樹門恰對扶桑井
壁符躔次春皋建道場爲農祈福否郊外笠蓑忙

西七寺

本是西方聖中原擇地居儼然天竺國新闢遠公廬禪
榻秋風埽經幢夕照舒偏隅金界擴白馬比何如

南七寺

演教始南能開山得上乘蓮臺香供佛竹院暑宜僧瞻
部緇流集炎方潦雨蒸海邊橫寶筏到岸許同登

北七寺

十方皆供奉豈止具廬洲地想朝臺近工先雷藏修斗
杓星應矣梵宇雪飛不鎖鑰何須用金剛力自道

浮邱山

古昔神仙窟於今詩社開

萬厯間趙志皋以謫宦至開
浮邱社厥後郭光祿裴王光

祿學曾亦繼南園五
先生開浮邱詩社

撒金殊狡獪挹袖信雄才門戶朱

明闢舸船碧海來吹笙王子晉雙鳥舊追陪

珊瑚井

越王烽火樹聞已獻西京一自丹砂煉交柯碧甃呈仙
人惟抱朴海若劇多情爲問移家日可曾攜赤瓊

朝漢臺

自娛唯帝號
離結本稱臣
臺上蠻夷長
天南拜闕人
雄風消倔強
硬步履逡巡
莫把郊壇混
圓岡萬古新

劉氏郊壇

要識真乘寺
非同餘幕亭
偏安僭郊禮
刺史抗朝廷
日月樓頭耀
虹蜺殿上腥
毒龍天不佑
終見北流星

劉王花鵲

豔絕芳華景
桃花夾水栽
花閒嘯鳥亂
花底媚鶯來
行樂沖人事
荒嬉半壁摧
夕陽無限恨
野寺照蒼苔

蕃人塚

死作中原鬼盧卑酒罷嘗可憐三角市遠隔萬重洋命
比鴻毛賤寶猶獅負藏不教魚腹葬且自學貪狼

花田

十里盡花農花田土脈鬆嬌姿揉玉碎豔魄化香濃只
戀劉家土難爲絕代容情根長不斷珠海繫游蹤

石門

天險安能恃樓船鼓浪過論功尋陜並拒敵呂嘉訛翠
聳雙崖豁波平一鏡磨清時無戰壘擊楫任高歌

貪泉

超然吳隱之心不爲泉移只道出山濁渾如坐井窺五

溪同負謗

連州五溪亦有貪泉

一患直無涯試問南黃嶺興廉在

幾時

沈香浦

歸擁千金橐休誇陸大夫一廉無長物相對勉妻孥卻
硯清風繼投瓢介節符儻令香尉見轉笑使君愚

鑒空閣

乾坤歸一鏡四大絕空明鑒此當頭月超然詩思清東
坡留韻事高閣錫嘉名妙作蛇盤喻靈心萬象呈

靈洲

神往寶陀寺靈奇水上洲月明千樹雪風起一江秋隋

拔通漁艇虛空接屢樓金山間彷彿憶否廿年遊

甘溪

石上水潄潄白雲懸碧淙奔騰北山腳奇絕冠蠻邦自昔離宮建於今斷岸撞陸盧爭報賽治譜信無雙

馬蛟山

豈有池中物而能岸上驅異聞傳桂廣變化出蘭湖害比南山虎德慙空谷駒梟雄真足畏拔劍起長吁

雷洞

雨師風伯外禮合祀豐隆道是將軍墓云胡廟貌工金蛇掣天上玉虎奮山中騷褭麒麟狀偏誇石馬雄

蒲澗

誰從中岳石移到越山邊
昌歎人同嗜安期彼獨仙
靈根滋綠劍凡骨換金錢
應共松肪貴東坡來問禪

滴水巖

屑雨崩雲勢晴空雪練垂
盪從青笑兀散作碧漣漪
曾看峽山瀑待尋幽澗陲
神仙棲止處泉壑故爭奇

菖蒲觀覺真寺

化人與菩薩先後自西來
講道芝廬拓談經蓮界開
途雖仙佛判理自聖賢
該可笑菖蒲澗傾城去未回

流杯池

翠華巡幸地中有小蘭亭南越春如許君王醉不醒光
陰愁逝水蹤迹感浮萍乘興何時往林巒列近坳

葛仙翁煉丹石

東嶺渺人跡丹砂胡遠求似聞勾漏令已入上清遊九
轉全無懈三彭不敢仇仙蹤來往地中宿共羅浮

鮑姑井

若翁曾煮石郎亦煉金丹人世好迷易仙家眷屬難冰
臺傳妙用廢井起疑團偕隱鵝峯下時時跨紫鸞

懸鐘

忽似蒲牢吼行人引彈聽渾疑出天匠留與鎮仙庭挂

壁何須虞鳴霜底用筵金聲容石借此理問山靈

趙佗疑塚

馬舌語模糊前知到赤烏祖孫不相庇作用一何愚難
禁曹瞞學未防崔煒誣夜臺終古閔朽骨可能蘇

寶象峯勝因寺

白雲增梵宇乾道有東庵過去未來事彌陀入定參佛
緣資妙證淨土愜幽探徹底河能渡蒲團坐一龕

虎跑泉

猶憶重陽節禪房酌虎跑那知聖湖外更數越山坳靈
液常噴吐樞精猛叫哮兩空善知識得水助僧庖

動石

曾聽生公法誰能說汝頑叱羊驚輾轉射虎訝斑斕豈
是雲根活如將地軸扳世人觀此石始信可移山

白雲洞

舒卷上層霄因風萬里遙幽居巖壑內昂首海天招莫
再無心出多應變態消歸來伴仙客如向九龍朝

三教殿

釋老儒之蠹奚云教有三異哉陶氏子仙佛聖同龕入
苙須追放傳薪獨荷擔毀祠推魏校墜緒振天南

鶴舒臺

九霄清唳下羽客快飛昇養作仙人驥搏如海上鵬難
尋雲縹緲空見石峻嶒華表應偕集千年感不勝

大小水簾洞

九百八十瀑羅浮景未瞻須知白雲麓亦有水晶簾雪
鏤千絲密珠穿萬斛兼天然清淨界不受六塵黏

虎頭巖

刻意窮幽險吾家漫尉豪徜徉風簸豁睽閃月輪高嵎
象山君負威令木客逃詩中奇境出腰腳肯辭勞

景泰山七仙寺

仙人來護法咄咄此頭陀石履牢參佛星冠暗卻魔卽

看蓮座擁儼向竹林過一自禪扃掩相將返大羅

卓錫泉

七仙方索飲拄地顯神通坐見乳花沸詎憂瓶鉢空石
崖聞動宕金策響玲瓏郭索遺雙螭靈竒說梵宮

順菴

景泰山前屋思陵宸翰題盛名傳樂府榮遇列金閨恨
寫蒼梧出身歸巖壑栖問誰鄰伯可賴有李文溪

李忠簡有

文溪詞

一卷

陵山

荔子滿山紅行人話殯宮埋香殘碣豔鑄鐵霸圖空寶

硯魚遊活珠簾雞唱雄康陵猶遜此雷震北亭中

見廣
輿記

語

馬鞍山

王氣龍堪鑿其如指鹿何鞭笞須讓漢駕馭卒臣佗詔

已來奔電

始皇
馬名

軍還駐伏波詎能儕寶象高聳白雲窩

琵琶洲

分明珠海上招得善才魂潮湧忽雷調沙銜半月痕長
歌希白傅哀怨學烏孫對此茫茫感蓬窗瀉玉樽

相對岡

洶涌銀濤裏青山最有情由來六門險不及兩岡平岩

壑空依傍帆檣管送迎堪憐望夫石風雨只孤撐

南海廟

火德鎮炎荒扶胥廣利王威靈文字顯祇肅長官倡仙
筆何奇偉神床屢降康孔韓均不朽銅鼓奮雷琅

浴日亭

湧出海門東霞光萬道紅乾坤共軒豁雲水互冲融壯
觀黃灣上豪情碧澣中天南亭第一有石待磨礮

銅鼓

神物天呵護金精壓怒潮龍宮光閃閃駱越路迢迢侑
爾祝融祀扣之氛裊消靈鼉蛟蜃伏音比石鐘調

波羅密果

本號羣伽結亦名優鉢曇不花紅礪柯有乳白醃醃大
得刀鍼益偏於酒醴甘司空留佛果狀欲補稀含

王登洲

位居河伯上神數谷王尊每謂江心石初無證據存金
龍秋汎現白馬怒濤奔靈異紛紛著迂儒舌且捫

靈化寺

三販同五戒鄭重授將軍借得波羅地勤宣梵笈文蓮
花對江有沽化雨黃木卧孤雲都仗龍天力狂瀾息海

垠

走珠石

環抱雙江水奔騰大海潮夜光激遠浦朗月下層霄
人撒烽臺成常停估客橈驪龍驚不睡絃管鬧深宵

盧循河南故城

不共水仙去孫恩妹有夫餘氛熾臨海得勢據方壺
威震沈田子命懸劉寄奴至今傳蜚戶差勝覆巢烏

大通寺

禪師起伏龍雲氣翬諸峯此地宜煙雨其間多檜松
豐穰祈禱力興廢去來蹤

州志

建岸真登岸休論南北宗

抱旂山

海國殊雄壯崇山恍建牙摩空集鸞鳳拔地展龍蛇憶
昔降旛豎劉家與趙家自今歌偃伯文筆麗朝霞

山之
東有

文筆
峯

花山寺

洲邊剛拾翠又去踏花山珠女結游伴春風無日閑誰
將鵲血染已到鶴林間要叶熊羆兆紅雲彈髻鬟

黃巢磯

不受率府率猖狂陷廣州赫然河伯怒鼓浪駭冤句竟
奪衝天魄甘爲犯關謀他年狼虎谷險似此磯不

金芝巖

欲攬北禺勝先登寺外巖幽深三洞豁煜耀九莖銜慣
作黃銀色能醫紫府饒曾傳唐使至萬里掛征帆

清遠峽

峯巒七十二秀冠粵中山助以仙源水匯成凝碧灣紆
迴通地隘奇卓傲天頑三峽茲爲最神仙日往還

峽山廣慶寺

好事唐韋宙山中捨俸錢豪情開福地嘉會亭名結仙緣

收得碧淙景彌增蒼雪妍後來朱叔子更爲闢靈廕

飛來殿

兩說憑誰斷舒州與上元

舒州之說見
廣東新語

總非人力到姑

作化工論縹緲浮山類靈奇客寺尊雲封遺一角驚醒
嶺梅魂

達磨石

折蘆江可渡隨地卽安禪未面少林壁先登中宿巔瑤
臺何兀兀杙閣漫平平潭底龍堪制蒲團已坐穿

釣臺

憶昔過嚴灘愁無百尺竿誰知越山頂洞見穉龍蟠
穉龍釣下天池易綸垂石洞難釣鼇何足詡奇絕白雲端

和光洞

旣道和光好奚庸解組爲此君原傲吏高隱有微辭埽

葉燒丹竈鋪茵著石棋一塵都不染初武許追隨

沈犀潭

聞道黃支種迢遙獻漢廷騰身入山峽分水到滄溟岸
上雞曾駭洞中猿未醒至今深不測春漲怯揚舲

龍磨角石

異哉龍見石尺木鬪峻嶒起陸亦神勇博山非浪稱泥
蟠纔瘦屈尾掉共蛟騰峽口傳靈迹誰圖墨數升

老人松

本是蒼髯叟緣何痛剝膚空山逢小劫有夢告緇徒畢
竟冬心抱再看雲影鋪秦官支派衍壽世不榮枯

資福寺羅漢閣

千柱三城建莊嚴冠粵中蛇珠驚衲子犀帶易坡公法
界金繩矗文章玉局雄應真功德普朽柏變青葱

鳳凰臺

羅浮卽丹穴峯以鳳凰名飛向法華寺如聞節足聲崇
基侔白下瑞產出朱明鼇塔還來集滙江一夜清

會仙觀

生長零陵市純陽一賜桃

見潛確類書

仙班天上聚尸解女

中豪或謂炎州產至今祠宇高底須問鄉里蓬島任翔

翱

龍窟

不向滄洲耀胡爲石穴潛沛然三日雨消此一方炎呼
吸神功奏精誠渥澤霑屢豐洵上瑞報祀徧閭閻

金牛山

名與西湖埒天南勦一奇漁人驚扣角漫尉撚吟髭清
過吳門月靈鍾大海涯終當跨黃犢來踏白雲陲

仙湧山

嶺嶠多靈怪圖經紀載真九霄集天匠一夕聳朱垠蜃
氣凌空散螺鬟特地皺浮來儕粵嶽仙迹兩嶙峋

媚川都

驕王宮內喜萬姓水邊哀寶氣傷民氣珠胎種禍胎一
川多白骨卅甕賸殘灰下詔喧都邑官家弊政裁

劉氏山

版籍全歸趙空山尙屬劉樓臺渾似夢雲樹悄含愁偏
霸荒淫主新封恩赦侯繁華同一炬南望怕回頭

學海堂分和七古頗有佳篇然非一人所作其
續和之五古則祇選二十首未窺全璧今春向
譚玉生學博借得舊刊本思欲屬和碌碌靡暇
近與林蕓谿同年以詩訓唱得數十篇不覺吟
興勃然更以拙槩就正蕓谿謂須多作五律因

於簿書之暇輒復構思凡十九日成此百篇體
格煥備要不過人云亦云爾顧以俗吏爲此似
勝於看花縱酒虛擲雙丸也長至後四日夢園
再記

王子懷侍郎挽詩四章

正氣塞天地直聲滿寰區
謗矢孤忠樸誠追古愚
蕭然坐小齋對客長嗟吁
肝膽日披瀝可憐玉池枯
憶公送我行舌強語模糊
其時方解組卧病城東隅
一別六寒暑僅通尺素書
我皇起直臣感激載馳驅
山石讞冤獄噩耗驚歸途

公以母夫人喪歸里

忠孝此身兼戴星奔江

湖建業昨恢復雲海徵天都辛勤馬鬣封息影栖蓬廬
公出佐中興一德明良孚云胡哲人萎卿士失楷模哀
音到南武松煙和淚濡

先皇踐阼初下詔開言路公在御史臺峻嶒絕瞻願兵
戈正沸騰東南羽書驚伏闕上封事敷陳切時務慷慨
逆鱗批流涕忠悃布九重資啟沃殊榮膺異數三遷
陟卿貳俾掌度支庫起家本農曹澹泊守儒素敝車一
羊裘官尊儉如故常朝必泣止恪恭隨輦輅每逢大祭
祀鵠立冠鷄驚侵尋南省移倍奮爪牙助安危審全局
先機恒遠慮至今萬口傳天時人事疏

不才忝乘驄於公爲後進造門輒延欸教以圖報稱謂
我職言官風骨要剛勁 帝命司耳目先求紀綱正貪
墨苟弗除斯民苦暴橫滔滔者皆是衣冠盜賊行願作
朝陽鳳老夫傾耳聽我時聆公言不覺氣爲振所患見
聞隘知則無所徇况值烏府內人才萃英雋汪洋析木
津濁浪鼓蛟蜃紛紛議戰守筆端利於刃公爲臺諫倡
激昂彌鎮定泥鴻忽東西中州悲旅櫬謂陸眉生老成又彫
喪惜哉用未竟與公成永訣淒涼動歌詠

爲國選干城愛才誰如公揆羅夾袋儲獻之明光宮曾
無一面識所舉皆豪雄表揚死綬士婦孺咸效忠但值

鄉人來問訊先改容姓名三千餘核實非臆臆一荷
恩獎胥賴蒐討功國事若已事有古大臣風特立肅
官常大節完初終公薨在仲夏赴至已殘冬迢遙阻關
河北望涕沾胸公魂返天上典刑靡所宗十年道範親
堅貞比喬松豈唯桑梓光撐持宇宙中悲吟公儻聞神
遊白雲峯

曹薌溪久客不歸夜不成寐疊和許晉笙

應駟贈

行詩韻見示次韻畬之

驂駟不受羈奮迅越常軌昂藏磊落人羞學襍穢子天
衢何坦蕩中路忽踈趾知白貴守黑且復宗老氏升沈

本前定造物主張是如君超邁姿終騰九萬里能以退
爲進數原不勝理富貴儻來物達觀無愠喜植身宇宙
內未可輕自視勛哉道岸登聖賢亦人耳翳予困簿書
索居正無俚獲君慰寂寥絮絮情難已君至甫閩夏舟
向穗城艤炎歊不能耐邀入西園裏明知地偏仄衷海
樓名安足擬願歌少陵句會心得崔李珠江好風月酒徒
開壁壘昔年糟邱臺臣亦奏薄技牀頭黃金盡歡伯實
福始於今悔蹉跎光陰珍寸晷聊將詩作朋遮莫花當
妓我豈願君歸迢遙隔南紀流連二百日遊興可以止
曷不師盧仝法律自繩已倚閭望眼穿早渡丁沽水試

看慈母綫焉忍徐徐爾至樂我羨君登堂薦冰鯉莫惹
白頭吟閨中腸斷矣送君過黃灣風馬雲車駛爽然出
迷津前修勉追企

今夏子聽在都門爲子嚴繪水仙團扇復用山谷
詩韻和者凡十一人錄以寄子裕裕未報寒窗
無事戲成十二疊分寄容方子嚴子聽兼示諸
同人

寄容方

宮花窈簾塵掩轍

用謝皋羽句

入直飽看五更月地與鑾坡

一樣清接武常楊信超絕文雅宗風嗣考城論詩已過

湯庶兄紫泥盈手向階灑但見明霞雞樹橫

斗室圍爐烘履屐冒寒踏碎天街月長安醉鄉游侶多
海國有人念不絕去年機舟相江城爭雄壇坫吾弟兄
而今分飛若勞燕惆悵萬疊雲山橫

莫笑短裘和垢韞一片冰心朗於月蔦蘿新附松柏枝

次兒爲
君壻

敢謂鳳毛真秀絕祝兒他日入書城勿再儉腹

如兄兄仗君借與生花筆變化奚止三三橫

預增老態寬裁韞西園坐對玲瓏月茶叟

謂林
薌齋

相逢吟

興高推敲那待鉢聲絕有客徘徊陸賈城縮地恨無凡

八兄珠江絃管夜復夜秋風孤負銀槎橫

曹薌齋先擬
九月北旋乃

至今流
連不返

寄子嚴

雪花亂撲千重轆庭樹戰風冰浸月我離此境亦云久
遙睇雁行殊覺絕猶記揮鞭辭鳳城桑乾河畔汝送兄
六年相見輸予季

謂子聽

羨煞聯吟二榻橫

劉恕不受溫公轍且耐清寒消歲月鳳凰池上說瀛壖
海外九州何濶絕長才自足攻鐵城辭令壓倒中裏兄
鯢壑無煙蜃樓出光彩迥連霄漢橫

林中有鶚來刺戟蓬蒿冷落鄉關月池館樓臺化劫灰
北望淮山心怛絕虎狼一過皆蕪城垂橐者誰使鬼兄

幾時榛棘拔除盡倒騎牛背筇枝橫

數典毋忘伐崇韞踐長迎福貢陽月龜蒙曾慨古制亡
錦勒傳觀訝工絕可攜龍縞還青城博通載籍強於兄
須識巖前獅子舞不同隴畔鴉頭橫

寄子聽

謾誇瑋瑁將軍韞扁舟盪破吳淞月乘潮北上去年天
萬里長風原壯絕腳跟立定如堅城東瀛翹首瞻望兄
開函喜向竹林報雙枝棣萼日下橫

太白之靴王生韞鼈背之山鯨日月疏狂豪放兩不宜
歛才就範洵卓絕願爾撫字師陽城遠慰天涯白髮兄

他年來聽絃歌化夾岸花香短棹橫

鳬舄罷穿行腳襪遄歸滬上小春月錦囊定有泛海歌

千丈銀濤懸斗絕

弟來書云歸途風浪極險

竭來聽鼓闐闐城治譜

殷勤問拙兄讀書讀律非二事牙籤依舊幽窗橫

東塗西抹材備藪宛然七寶妝成月八千里外十三人
唱酬肯令雅音絕脫離俗境開煩城胸次豁達當學兄
嶺南近狀不須問羽檄交馳戈尙橫

我意

我意築一園松柏環四圍萬綠作垣墉中藏白板扉山
泉引成澗樹外排曲磻近村多稻田沃土膏腴肥數武

卽樵徑開門見魚磯每當二三月桃李香霏霏空齋攤
卷坐歌聲出簾幃濃陰溽暑銷澂潭秋月暉冬來耀新
穀暝著大布衣負暄梅花底打頭瓊雪飛四時可尋樂
百事都忘機此境足逍遙投簪胡不歸煙霞結幽契抗
懷宗敬微

論政篇

無人無乾坤無民無邦國危微一心肩中正萬方式彌
綸宇宙內足補造化力顯愚有至性共此三代直元氣
日培養正氣日充塞烏忍不教誅格民終以德治亂在
人事世運賴扶翼上追刑措風懿好還物則慈惠民之

母苛虐民之賊勿謂風氣偏當盡撫字職清議洵可畏
外強中已惡王政貴因民藏富先寶穡貪吏與蠹胥吞
噬過蝗蝻荆公讀書人亦取青苗息纖毫計錙銖撙剔
若鉤棘開源弗節流脂膏竭供億養兵轉害民無民何
有食任怨莫斂怨柔克勝剛克權衡兩持平會歸胥立
極經訓卽治譜考驗罔差忒

冬日齋中書所見

山茶作花檻外水松抽翠牆陰爛漫絕無冬意逍遙早
息機心

兩邊如岸如沼中央非閣非樓風過犀香陣陣月來鳳

尾修修

曉起口占

北風雨吹易散南雪雲釀不成剛漏半窗日影忽聞滿
樹春聲

自嘲

正待持籌握算如何適性陶情此日坐荒禺羨昔年空
到蓬瀛

催租尙聞敗興仰屋能不生嗟須乞洞賓一指漫勞飛
卿八叉

自解

判牘隨時可了攤卷竟日長閒聊復追韓逐杜強於臨
水登山

怕學陶公運甓爰同謝傅圍棋下筆要除五俗得句豈
費十思

軍中小樂府

斗大鎮平邑如山白骨堆兵戈與疫癘父老不歸來
桂嶺斷人行梅峯又結營此方遭劫運兩載未休兵
我兵一何弱客兵亦何強往時誇揭揭普陽普今日挫鋒
鏑

殘寇去復來我師追不及長官逃出城那顧萬民泣

壯哉英將軍

英秀

獨留以身殉婦女先仰藥賊膽亦爲震

不畏負隅猛偏愁伏莽多林中鳥頻喚行不得哥哥

九重屢下詔三省大合圍長沙恪靖伯早移入粵師

去年霆字營追賊出會昌西川遽歸去閩粵任猖狂

甘涼地苦寒蜀軍誰願去飢罷成叛卒鋌走漫回顧

直到羅浮司逡巡與賊合河上且逍遙那見陣雲匝

餘燼未曾滅死灰終復燃籌防不議剿人事豈由天

韓江與程江盈盈通一水敢告波斯胡待我邊患弭

不是千夫長如何著戰袍龍津橋下過拋卻手中刀

日日盼旌旗旌旗何日至議屯旋兔脫又恐失交臂

果能學淮陰自然多益善於今有通病百無一訓練

中原食不足糴米向扶胥唯望天公雨東江易轉輸

土鬼用木克明年歲在寅虎鈴端不謬八日卽逢春

十九

日立春

六壬泉竒門三式得其二眼看天狼星瞥隨弧矢墜

西北不足慮須防竄東南妄言姑妄聽戎機抵掌談

東江寇若平西江待于役腹心患未除助土莫袒客

重修鄭仙祠一百韻

憶昔游南海停橈及早春

余於咸豐辛亥正月至廣州

仙祠初蒞止

岡阜絕嶙峋鳳慕黿頭會欣當燕舞晨滿山紅綻錦夾

道翠鋪茵遂爾攜壺榼陶然醉主賓天涯行正倦到此
氣爲振蓬島餐霞客瑯琊賣藥人經從河上授時值帝
東巡曠典修封禪旁撈建隱淪竟虛前席問知是偃佺
倫三日果何語始皇翻賜珍言中皆有物別後迴離塵
金壁難污我蠻荒遠避秦烏甘拋赤玉宮合築黃銀五
岳登須徧千年約且申孤標殊子子勇往弗遂遂弟子
無心遘神樓立起呻相將煉丹訣乘興抵朱垠縹緲羅
浮境汪洋渤澥濱首探西麓界爲愛白雲皴白雲山爲羅浮西麓
斂攝三華聚調和九轉勻昌羊助顏色舒鶴健精神炎
嶠逢秋日元洲被召辰尊迎龍虎馭冲舉薜蘿身古寺

傳遺宅浮邱許結鄰禱祈紛士女迢遞度城闌大樹推

馮異

慶蕉園將軍於道光癸巳建仙祠

求仙類沈彬踟躕四十里來去

兩由旬近郭崇基卜摩空匠石掄逶迤施磴級截嶮架

挾振歌舞罔非舊呼鑾迹已陳楚庭增壯麗桂觀轟輪

囷自開長春館胡爲運會屯旌旗收戰壘礮火震江濬

入市鯨如兕乘潮鱗似鱗芝廬堆馬矢松闕曝鯢鱗頓

遣游蹤散俄驚碧眼瞬空梁竄飢鼠深谷伏癡麕倉卒

罹兵革徘徊歎鬱湮難尋玉京子一證此中因舉世樂

馳騫良朋惟馬仲

謂芸湖同年

探幽常蠟屐耆飲每傾巾頗

覺名場厭但於泉壑親招邀過閭院指點惜荒榛

今年八月

芸湖招飲三元宮始
與予議重修仙祠

願集千狐腋遑抽獨繭綸使君能

護法洞府倏更新翁作虬螭侶我猶蟣蝨臣上清無滓

濁下土仰岑黃善舉資禹筭同官出俸緡寒梅都破笑

衰柳亦舒顰閑讓吟風圮

羣玉山房吟風閣皆屬長春仙館外國人借居閣已圮矣

堂依學海齋垣墉重黜堊棟宇再璘幽經始月交西觀

成斗轉寅

臘月十八日工竣次日卽立春

寥寥駐芳躅肅肅薦明禋漫

數茅三秀奚論葉萬椿琴高方下鯁

琴高問丹功于安期

王遠共

驂麟偶覽神仙鑑

康熙間徐道纂

卻疑頑慧均盧醫勤授受文

子壹慈仁遇墨

墨子

形容異逢焦

焦先

軌範遵蟠桃先換骨

山朮倍生津術擅長桑久源探苦李真飛行洵矯捷險

阻不遑述忽改安期號從茲姓氏泯訪砂向句漏覓磧

至金鱗圭旨憑參悟元功詎易竣百斤儼豪富九載慙

艱辛夕采騰丹燭

金夜飛如螢火

嵐光耀赤瑾奇哉峯突兀恍

若象韓輅戲仿魚吞艾居然尻化輪祖龍臺甫建仙鹿

駕徐張不識長生草何如晉水蘋鞭驅走山石顛倒抗

共鈞堪訝西門惠幾成東郭魏薄姑尤狡獪徐市只謔

諄傲睨卑黃屋逍遙侈玉宸稗官多附會繆說益嗜恣

傳贊郭劉正文章班馬醇淤泥渾不染浩蕩豈能馴性

以乘光適心乎抱朴純真鴻寄空濶取大任狂唱培塿

宜宗岱沲潛必導岷含生兼負氣陰寂又陽磧隊隊駒

銜勒翩翩雀入毘動看投陷阱反謂失陶甄太息蒼生
劫縱橫大地憐妖原遙張角猛或賽盧循蹂躪遍吳楚
敗殘歸粵閩吁嗟荷戈者畢歲賦征駝鳳永朝吹角鵝
山夜鼓鐔樓徒存鐵漢將未遇全斌安得呼丁甲偕來
埽棘蘊雷霆禡賊膽隴畝脫戎衲嶺外銷鋒鏑天邊降
駁驂

見雲笈
七籤

敢云宏建樹差可息勞薪冒雨爭開甕看

花快解紳思量蒲澗節徒倚菊坡頻望古同搔首耽吟

繼補脣壺中忘日月胸次豁畦畛勝境輝珠闕長歌鏤

翠琅仙班躋北極

真靈位業圖北極真人
安期生位居上清之左

靈佑萬祥溱

一 芸湖招飲鄭仙祠卽和題二樵畫見贈詩韻

南越去北極不知幾何程或者洞天居跨鶴登朱明千
里瞬息至翩然踏雲行高樓倚菊坡荒涼門晝扃微君
召公輪孰與除榛荆來爲燕雀賀一醉非無名堯賓謂
繇况未歸徘徊喜雨亭仙城有仙境招邀尋梅兄上清
近聞寂爐火金丹成曷不降炎嶠雙舄仍赤瑛我輩在
蓬萊同是項曼卿塵根旣墮落聊以文字鳴仙翁顧之
笑俗矣離松廳嗚嗚叩瓦缶那足希咸饒頭白心自豪
夢想煙霞并且看一綫水浩渺珠江平趺坐紫琳房了
無風浪生

孫稼生

家穀

禮部自京師用山谷韻寄懷次韻畬

之二首

莫慢典裘捐襖襦雁足傳書小陽月

予十月會寄書瑞錦窠邊

雨露濃共道冰廳寒意絕新詩遠寄南武城才華今見

惠連兄

令弟後楚太守亦工詩

小窗我亦動吟興無限幽香蛸爪

謂水仙橫

入山恨無三隻屨負此空明珠海月五羊化石不化金

仰屋何曾歎聲絕捷書日盼梅州城芸其荼蓼禾乃兄

昌黎句爲將軍誦高陽坐約降齊橫

咸豐癸丑春冊成進士出帥逸齋師門師
又出 子箴先生門故冊於 先生爲再
傳弟子庚申秋冊謁 先生于韶匆匆辭
去同治乙丑夏冊讀禮來穗城以時間起
居辱示東瀛倡荅諸刻繼以二知軒詩鈔
梓成謂冊不能無言嘻冊烏足以知 先
生之詩哉 先生之言詩也必曰杜韓蘇
今觀所爲詩憂心君國睠懷民物尤惓惓

於骨肉師友之間其至性至情鬱乎中而
溢乎外其學養之闊深才力之博大又有
以濟之知 先生於杜韓蘇三家先有忻
合無間者而非規規以詩擬議求合者倫
也 先生早登禁近持使節領諫垣與子
美之拜拾遺東坡之入翰林知貢舉後先
相望第韓蘇謫宦始有嶺海之行而 先
生以玉堂仙吏乘興東遊不十年巡南韶

擢都轉遭遇聖明視二公蓋又過之他日
爲封疆大臣洪勲偉伐光昭青史更非許
身稷契鬱鬱以老者所敢望豈僅以詩人
名世哉冊少學爲詩好爲輕俗之作及壯
乃悔之嘗見帥師題扇五言二章師詩不
多作而真樸有風骨時與冊論詩謹識之
不敢忘不意師殉節江西忽忽九年矣比
來雖暑知畦徑萌柢未深又以有服輟業

可存者絕少持以質 先生所以矚而翼
之者甚至昔伯牙學琴於成連成曰子之
業未也吾師方子春在海上可往見之以
移子情從之伯牙遂以琴稱 先生序海
天琴思錄云詩旨猶琴旨而姓字又與方
子春相似冊 先生之再傳弟子也此行
從遊海國尊 先生之教而誦 先生之
詩庶可移吾情乎惜乎帥師之不及見也

同治丙寅秋九月門下晚生敖冊賢謹跋

原缺

後序

子箴先生咸豐初元遊粵越十年來領觀
察使同治三年四月懋建自陽山來謁

公授二知軒詩九卷受而讀之凡二十日
三四過作而歎曰先民有言詩以道性情
今東洲何公所謂真也宋齊間人謂謝康
樂詩如初日芙蓉妙出天然唐白香山宋
陸放翁生平詩最多大致與謝同其自然

其與李杜韓蘇固殊塗而一致也

公少讀中祕書屢掌文衡爲言官所獻納
必關大計強仕之年出爲方面重臣佗日
功業在天下固不必以餘事作詩人爲重
也顧自言性情雅好吟咏今所存者已二
千餘篇命懋建司編校兼屬刪定懋建小
儒烏足知 公詩顧承虛裏下問輒就談
聞隙見效一得竊闕見

公之詩初由漁洋以上追白陸春容大雅
無鉤章棘句無凡響浮聲及其學與年進
寢饋於杜韓蘇集於是合三家共爐而冶
而其才力又足以兼眾長而達其所見東
坡如萬斛原泉隨地涌出如水銀瀉地無
孔不入洋洋乎大觀已

公之心猶若欲然不自足者且將以懋建
爲佗山之石則吾豈敢顧念韓門有湜籍

蘇門有秦黃學業造詣各各不同皆能各
出其論議相上下而淡以梁邱據以水濟
水爲戒我思古人願學未能謹就其詩分
編爲三曰正集別集外集條疏所見於紙
曰二知軒詩鈔例議而別擇其尤雅者爲
二知軒詩鈔皆系以紀季異時以爲年譜
亦卽詩史也韶石集尤多關繫之作氣魄
亦沈雄故所存特多其詠物閑情諸作標

雋爲嘗鼎一臠計竹垞晚歲拒令子之請
不肯交風懷詩前事可師也懋建綜論

公之詩蔽以一言曰真蓋無一字不從性
情流露而出與東洲殆閉戶造車出門合
轍者從此一官一集如衛武公髦期好學
更三十年大集裒然當更以數尺計昔朱
子呼蔡季通爲老友懋建安敢繆埶前賢
獨私以爲莊子所謂培風之積也厚故其

力能負

公之學如日方中與年俱進懋建它日倘
以扶杖之年以老部民更司編摩則誠厚
幸

太歲甲子五月五日嘉應楊懋建掌生題
跋